



Broj: 01/I-03-3-988-1/22  
Sarajevo, 18.03.2022. godine

21-03-2022

**SKUPŠTINA KANTONA SARAJEVO**

**Reisa Džemaludina Čauševića 1**  
**71000 Sarajevo**

**Veza: Vaš Akt broj: 01-04-5587-45/22 od 08.03.2022. godine**

**Predmet: Izjašnjenje/odgovor vezan za zastupničku inicijativu - dostavlja se**

U vezi vašeg Akta broj i datum gornji (zaprimljen dana 15.03.2022.godine), a koji se odnosi na zastupničku inicijativu od 27.01.2022.godine zastupnice Danijele Kristić vezane za „refundiranje troškova prevoza onih pacijenata koji pri odlasku na dijalizu koriste vlastiti prevoz, kao što je regulisano u drugim kantonima”, daje se odgovor, kako slijedi.

Prije svega se napominje da je Zavod zdravstvenog osiguranja i reosiguranja Federacije BiH na upit Ministarstva zdravstva Kantona Sarajevo - Akt broj: 10-05-3581-63/19 od 18.03.2019.godine, a vezano za ranije zastupničko pitanje od 20.02.2019.godine, iste zastupnice odnosno zastupnice Danijele Kristić, koje se ticalo „refundiranja troškova prevoza onih pacijenata koji pri odlasku na dijalizu koriste vlastite prevoze”, kao što je regulisano u drugim kantonima”, dostavio ranije odgovor prema navedenom Ministarstvu, svojim Aktom broj: 01/I-IV-V-VII-03-3-1185-1/19 od 05.04.2019.godine, koji je, od strane navedenog Ministarstva, trebalo i Vama biti dostavljeno odnosno sa kojim ste i Vi trebali biti upoznati te i navedena zastupnica.

Kao što je i navedeno, između ostalog, u navedenom Aktu ovog Zavoda broj: 01/I-IV-V-VII-03-3-1185-1/19 od 05.04.2019.godine, ponovno napominjemo da saglasno tački IX stav 1. podtačka 1. Odluke o utvrđivanju osnovnog paketa zdravstvenih prava (“Službene novine Federacije BiH”, broj: 21/09) i tački II pod a) i tački III stav 1. pod a) Odluke o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine (“Službene novine Federacije BiH”, br. 08/05, 11/07, 44/07, 97a/07, 33/08 i 52/08) Zavod zdravstvenog osiguranja i reosiguranja Federacije BiH finansira pružanje usluga dijalize u koje su uključeni troškovi potrošnog materijala, lijekova tokom dijaliznog tretmana, troškovi rada medicinskog tima tokom pružanja navedenih usluga, troškovi toplog obroka za pacijente-osigurana lica i troškovi prevoza na dijalizu. Napominjemo da su troškovi pružanja usluga dijalize, u koje su uključeni i troškovi prevoza na dijalizu, propisani Cjenovnikom zdravstvenih usluga koje se plaćaju iz sredstava fonda solidarnosti Federacije BiH.

U međuvremenu, od donošenja Akta ovog Zavoda broj: 01/I-IV-V-VII-03-3-1185-1/19 od 05.04.2019.godine, Zavod zdravstvenog osiguranja i reosiguranja Federacije BiH je sa zdravstvenim ustanovama u Federaciji BiH koje vrše prevoz pacijenata na dijalizu te i sa Zavodom za hitnu medicinsku pomoć Kantona Sarajevo (u daljem tekstu: Pružaoci usluge prevoza pacijenata na dijalizu) zaključio ugovore o pružanju zdravstvene usluge prevoza

Adresa Trg Heroja 14. Sarajevo  
Telefon +387 33 728 700  
Fax +387 33 655-856  
E-mail zavod@zzofbih.ba

[www.zzofbih.ba](http://www.zzofbih.ba)

Jed. ident. broj pravnog subjekta 4200642000008  
Depozitni račun, KM UNION BANKA Sarajevo 102050000064018  
Glavni transakcijski račun, KM UNION BANKA Sarajevo 102 05 000 000 70808  
Transakcijski račun, KM UNION BANKA Sarajevo 102 05 000 000 88753  
Transakcijski račun, KM UNION BANKA Sarajevo 102 05 000 000 26964  
Transakcijski račun, EUR UNION BANKA Sarajevo 102 05 000 000 70808,  
IBAN CODE BA39 102 05 000 000 70808

pacijenata na dijalizu koja se finansira iz sredstava fonda solidarnosti Federacije Bosne i Hercegovine

Sadržaj predmetne zdravstvene usluge utvrđene ovim ugovorima, obezbjeđuje se, kako je i precizirano u istim, saglasno Odluci o utvrđivanju Osnovnog paketa zdravstvenih prava („Službene novine Federacije BiH”, broj: 21/09), saglasno Odluci o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine (“Službene novine Federacije BiH”, br. 08/05, 11/07, 44/07, 97a/07, 33/08 i 52/08) i saglasno Pravilniku o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine Federacije BiH”, br.26/12, 23/13, 90/13, 82/14, 83/15, 58/18 i 89/18), te treba napomenuti da su postupak zaključivanja ugovora kao i sam sadržaj ugovora pripremljeni, usaglašeni te zaključeni ugovori i saglasno dobijenim mišljenjima od nadležnih organa i to Federalnog ministarstva zdravstva i Agencije za javne nabavke.

Dalje se napominje da je odredbama navedenih ugovora o prevozu pacijenata na dijalizu između ostalog, precizirano da se Pružaoci usluge prevoza pacijenata na dijalizu obavezuju da će pružiti zdravstvene usluge prevoza pacijenata (lica na hroničnom dijaliznom tretmanu osiguranim kod kantonalnih zavoda zdravstvenog osiguranja u Federaciji Bosne i Hercegovine) na dijalizu koje se finansiraju iz sredstava fonda solidarnosti Federacije Bosne i Hercegovine, od mjesta prebivališta pacijenta do dijaliznog centra i nazad. Takođe navedenim ugovorima Pružaoci usluge prevoza pacijenata na dijalizu se, između ostalog, obavezuju da će pacijentima pružiti zdravstvene usluge prevoza na dijalizu standardnog kvaliteta u ambulantnim vozilima za medicinski transport koja udovoljavaju tehničkim uslovima propisanim pozitivnim propisima, odnosno obavezuje se da će pružiti usluge prevoza na dijalizu u, ovom, ugovorom utvrđenom sadržaju, obimu i cijenama, usaglašenim od ugovornih strana.

Dakle ukoliko se radi o licu osiguranom kod nadležnog kantonalnog zavoda zdravstvenog osiguranja u Federaciji Bosne i Hercegovine i licu koje se nalazi na hroničnom dijaliznom tretmanu, saglasno odredbama ugovora, Pružaoci usluge prevoza pacijenata na dijalizu u obavezi su pružiti zdravstvenu uslugu prevoza tog pacijenta na dijalizu od mjesta prebivališta pacijenta do dijaliznog centra i nazad.

Zavod zdravstvenog osiguranja i reosiguranja Federacije Bosne i Hercegovine kao Naručilac usluga se, između ostalog, obavezao odredbama navedenih ugovora da će troškove prevoza pacijenata na dijalizu plaćati po ugovorenim cijenama (saglasno važećem Cjenovniku zdravstvenih usluga koje se finansiraju sredstvima fonda federalne solidarnosti) na osnovu ispostavljene mjesečne fakture te da će da će za troškove prevoza pacijenata na dijalizu, pružene saglasno odredbama ovog ugovora, doznačiti na račun Pružaoca usluga prevoza pacijenata na dijalizu pripadajući iznos u KM odnosno izvršiti plaćanje faktura.

Saglasno odredbama ugovora ovaj Zavod i postupa te troškove prevoza pacijenata na dijalizu, plaća po navedenim ugovorenim cijenama i to Pružiocima usluge prevoza pacijenata na dijalizu.

Iz ranije navedenog proizilazi da odredbama ugovora nije predviđen drugi način prevoza pacijenata na dijalizu (npr., koji idu na hemodijalizu privatnim automobilima) niti drugi način plaćanja ovih navedenih usluga (npr. „refundiraju te troškove preko blagajne Domova zdravlja” pacijentima, koji uz to nisu ugovorna strana), osim ugovorenog načina prevoza pacijenata na dijalizu, kako je gore navedeno i osim ugovorenog načina plaćanja da se sredstva

doznačuju na račun Pružaoca usluga prevoza pacijenata na dijalizu, u ugovorenom iznosu odnosno saglasno važećem navedenom Cjenovniku zdravstvenih usluga, a kako ovaj Zavod kao ugovorna strana i Naručilac usluga i postupja. Saglasno ranije navedenim propisima i ugovorenim odredbama ne postoji pravni osnov da sa ovim pacijentima ovaj Zavod može biti u takvom ugovornom odnosu, čiji bi predmet ugovora bilo navedeno refundiranje.

Dakle u vezi gore navedenih pitanja tj. u vezi navoda iz zastupničke inicijative „...Obzirom da je taj dio uređene u drugim kantonima, smatram da uz malo dobre volje se može naći modus rješenja i za Kanton Sarajevo”, ponovno napominjemo da odgovor proizilazi iz ranijih navoda kao i gore citiranih, po našem mišljenju, jasnih i nedvosmislenih odredaba predmetnih ugovora. Pri navedenom treba i naglasiti da ovaj Zavod nema pravo nadzora nad nadležnim kantonalnim organima u Federaciji BiH niti može odnosno nije nadležan za preispitivanje njihovih odluka niti propisa te ovaj Zavod nema takođe pravo nadzora nad Pružiocima usluga prevoza pacijenata na dijalizu niti može preispitivati te i davati mišljenja u vezi postupanja Pružaoca usluga prevoza pacijenata na dijalizu, u slučaju kada takvo postupanje nije predmet Ugovora o pružanju zdravstvene usluge prevoza pacijenata na dijalizu. Treba naglasiti i da je ugovaranje ove zdravstvene usluge sa Pružiocima usluga prevoza pacijenata na dijalizu regulisano u svim kantonima na isti način, istim ugovornim odredbama, između ovog Zavoda i Pružaoca usluga prevoza pacijenata na dijalizu, uz naravno određene specifičnosti svakog pojedinačnog ugovora koje se podrazumjevaju.

Takođe način postupanja odnosno praksa u postupanju „u drugim kantonima”, bez eventualne izmjene pozitivnih propisa koji se odnose na predmetno pitanje i na ovaj Zavod, ne može biti dovoljan osnov, za postupanje ovog Zavoda pa i u pogledu predmetnog pitanja, a što Vam je i ranije, vezano za ranije navedeni upit Ministarstva zdravstva Kantona Sarajevo, odgovoreno.

U vezi pripreme propisa pa i njihove eventualne izmjene i dopune te i eventualnih izmjena i dopuna propisa vezanih za predmetno pitanje napominjemo da su saglasno članu 20. Zakona o organizaciji uprave u Federaciji BiH („Službene novine Federacije BiH”, broj 35/05), nadležni organi uprave iz oblasti za koje su nadležni, a ne ovaj Zavod kao javna ustanova..

Iz navedenih razloga ovaj Zavod može vršiti finansiranje prevoza pacijenata na dijalizu, saglasno pomenutim propisima i ugovorenim odredbama, na način, kako je gore navedeno i ugovoreno.

S poštovanjem,

Dostavljeno:

- Naslovu
- a/a

7 DIREKTOR

Izv. prof. a 'ka Martinović, dr.med.